

Na osnovu člana 13. stav (1) i (2) Zakona o principima lokalne samouprave u Federaciji BiH («Službene novine Federacije BiH», broj: 49/06 i 51/09), člana 21. t. 2) i člana 116. stav (1) i (2) Statuta Grada Zenica («Službene novine Grada Zenica», broj: 5/15), te člana 39. i člana 62. Poslovnika Gradskog vijeća («Službene novine Grada Zenica», broj: 4/17 i 4/20), Gradsko vijeće Zenica na _____ sjednici održanoj _____ 2021. godine, na prijedlog Etičke komisije, donijelo je

ODLUKU

**o izmjenama Etičkog kodeksa za izabrane zvaničnike Općine Zenica
(„Službene novine Vijeća Općine“, broj: 1/08 od 21.01.2008. godine)**

Član 1.

- (1) Ovom Odlukom vrše se izmjene Etičkog kodeksa za izabrane zvaničnike Općine Zenica ("Službene novine Općine Zenica", broj: 1/08).
- (2) U nazivu Etički kodeks za izabrane zvaničnike Općine Zenica riječ „Općine“, zamjenjuje se riječju „Grada“.

Član 2.

U naslovu dijela V – ODNOSI PREMA OPĆINSKOJ UPRAVI, riječ: „OPĆINSKOJ“ zamjenjuje se riječju: „GRADSKOJ“.

Član 3.

- (1) U članu 4. riječ: „općinskim“ zamjenjuje se riječju: „gradskim“.
- (2) U članu 5. riječ „Općine“ zamjenjuje se riječju: „Grada“.
- (3) U članu 24., 25. i 46. riječi: »Vijeća općine« zamjenjuju se riječima: »Gradskog vijeća«.
- (4) U članu 39., 40. i 52. riječi: „Vijeća i Načelnika“ zamjenjuju se riječima: „Gradskog vijeća“.
- (5) U članu 41. riječi: „Vijeću općine“ zamjenjuju se riječima: „Gradskom vijeću“.
- (6) U članu 43., 45. i 46. riječi: „Vijeće općine“ zamjenjuju se riječima: „Gradsko vijeće“.

Član 4.

Ova odluka stupa na snagu narednog dana od dana objavljivanja u „Službenim novinama Grada Zenica“.

Broj: 01-_____/21
Zenica, _____ 2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

O B R A Z L O Ž E N J E

I – PRAVNI OSNOV

U članu 13. stav (1) Zakona o principima lokalne samouprave u Federaciji BiH («Službene novine Federacije BiH», broj: 49/06 i 51/09) propisano je da je organ odlučivanja jedinice lokalne samouprave općinsko vijeće u općini, a gradsko vijeće u gradu (u daljnjem tekstu: vijeće). U stavu 2. propisane su nadležnosti Gradskog vijeća.

Članom 21. t.2) Statuta Grada Zenica propisano je da Gradsko vijeće u okviru svoje nadležnosti donosi odluke i druge opće akte kojima se uređuju pitanja iz samoupravnog djelokruga Grada.

Članom 116. Statuta Grada Zenica propisano je:

(1) Gradsko vijeće u okviru samoupravnog djelokruga donosi propise i druge akte, preporuke, smjernice, deklaracije, rezolucije, te pojedinačne akte u skladu sa zakonom i ovim statutom.

(2) Gradsko vijeće donosi sljedeće propise: Statut, Budžet, planske dokumente, odluke, pravilnike, poslovnike i druge propise utvrđene Poslovnikom Gradskog vijeća.

Članom 39. Poslovnika Gradskog vijeća („Službene novine Grada Zenica“, broj: 4/17) propisano je da se akti kojima se uređuje unutrašnja organizacija, rad i odnosi u Vijeću donose u obliku odluke, poslovnika ili pravilnika.

Članom 62. Poslovnika Gradskog vijeća propisano je:

Prijedlog za donošenje odluka i drugih akata Vijeća mogu podnijeti:

- svaki član Vijeća,
- radna tijela Vijeća i
- Gradonačelnik.

II - RAZLOZI DONOŠENJA

Na sjednici Etičke komisije održanoj 06. maja 2021. godine, Komisija je jednoglasno donijela zaključak da se Gradskom vijeću dostavi Prijedlog za izmjenu Etičkog kodeksa za izabrane zvaničnike Općine Zenica („Službene novine Vijeća Općine“, broj: 1/08 od 21.01.2008. godine).

Etička komisija je zauzela stav da je, s obzirom na to da je Zenica Grad, riječi: općinski, Vijeća općine, Vijeća i Načelnika i sl., potrebno zamijeniti riječima koje se odnose na Grad kao jedinicu lokalne samouprave.

S tim u vezi, pripremljen je Prijedlog Odluke o izmjenama Etičkog kodeksa za izabrane zvaničnike Općine Zenica („Službene novine Vijeća Općine“, broj: 1/08) i isti se dostavlja Vijeću na razmatranje i usvajanje u predloženom tekstu.

III – FINANSIJSKA SREDSTVA

Finansijska sredstva za realizaciju ove odluke nisu potrebna.

ETIČKA KOMISIJA